

ZAPISNIK

**o radu sa 9. Hitne sjednice Skupštine Kantona Sarajevo
održane 07.05.2020. godine sa početkom rada u 10,00 sati**

Predsjedavajući Mirza Čelik (u daljem tekstu: Predsjedavajući) je pozdravio sve prisutne na online platformi i otvorio Devetu hitnu sjednicu Skupštine Kantona Sarajevo.

Prema evidenciji sjednici ONLINE prisustvuje 34 zastupnika, što je dovoljan broj za punovažan rad i odlučivanje.

Izostanak sa ove sjednice opravdala je zastupnica Amra Junuzović-Kaljić.

Online sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Samra Čosović-Hajdarević
4. Aljoša Čampara
5. Mirza Čelik
6. Sabahudin Delalić
7. Mahir Dević
8. Amra Hasagić
9. Admela Hodžić
10. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak
3. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij Skupštine Kantona Sarajevo je na sjednici održanoj 04.05.2020.godine utvrdio da postoji osnov za sazivanje Hitne sjednice Skupštine Kantona Sarajevo i utvrdio termin održavanja iste dana 07.05.2020.godine u 10,00 sati.

Prije prelaska na utvrđivanje Dnevnog reda predsjedavajući je podsjetio da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka uslijedilo je razmatranje **Prijedloga odluke o izmjenama i dopunama Budžeta Kantona Sarajevo za 2020. godinu**, po hitnom postupku.

Ministar Jasmin Halebić je dao obrazloženje za donošenje **Prijedloga odluke o izmjenama i dopunama Budžeta Kantona Sarajevo za 2020. godinu**, po hitnom postupku (citiramo):

„Uvaženi predsjedavajući, poštovani zastupnici, ostali koji su prisutni i koji gledaju ovu sjednicu, dozvolite da vas pozdravim. Razlog za hitni postupak za donošenje budžeta i ostalih tačaka se praktično nalazi u situaciji u kojoj mi vidimo Kanton Sarajevo. A to je potreba za brzim donošenjem mjera koje se tiču praktično uravnoteženja Budžeta i ovih ostalih tačaka Zakon o ublažavanju negativnih posljedica i uštedama i pratećeg Zakona o izvršavanju budžeta. Dakle obrazloženje je da pokušamo na taj način skratiti veći broj dana koji bi ova procedura uzela ako bi se ona radila u redovnom postupku. Opredijelili smo se za hitni postupak jer on dozvoljava amandmane u smislu omogućeno je podnošenje amandmana a u onom postupku drugim, koji isto toliko traje, skraćeni postupak, to ne bi bilo izvodivo pa je zato praktično ovaj hitni postupak.”

Zastupnica Bilsena Šahman je imala poslovničku intervenciju a vezano za raspravu oko nabavke maski i uvrštavanja na dnevni red.

Zastupnik Elmedin Konaković je postavio pitanje za ministra Halebića a vezano za hitnost donošenja ovog Prijedloga odluke: „Za ministra Halebića osim što je naveo neke opšte razloge hitnosti želim da nam malo bolje pojasni. Iz onoga što smo vidjeli da su aktivnosti Vlade, iz onoga što vidimo da je danas predmet sadržaja korona Zakona, ne vidimo da je Vlada uradila išta revolucionarno koje zahtjeva tako revolucionarne zahtjeve na budžetu. Bilo bi dobro da nas odmah naravno informišete šta je sa tim fondom od 5 miliona aplikacijama ljudi koji traže onaj dio sredstva po javnom pozivu jer po informacijama šturim, moram još jednom reći mi pojma nemamo, Vlada nas ništa ne izvještava o čemu se radi, pratimo medije i

tako pokušavamo saznati. Dakle po onome kako sada stoje stvari 1500, 600 ili 700 firmi je dobilo prošlo na tom javnom pozivu, a 3/4 ili 2/3 nisu. Koliko je to sredstava do sada utrošeno? Ovim tempom i idejama koje ima Vlada potpuno lagano to mogu finansirati iz postojećeg budžeta, a ne vidim neko novo posebno revolucionarnu ideju. Ne vidim u korona Zakonu da su oni uopšte predvidjeli da se zakonom reguliše plaćanje dijela (nerazumljivo mikrofonija) za privredu koja je pogođena pandemijom. Dakle šta je to što Halebić vidi da je nužno i koji su to veliki zahtjevi da to Vlada nije mogla rebalansirati unutar svojih potreba? Naravno, znam da će se dio unosa sredstava od MMF i ovih drugih morati desiti tako da mi je ta strana budžeta jasna. To mi ne mora objašnjavati. Ovo pitam iz razloga što ste nama zastupnicima nepunih 48 sati prije same sjednice poslali dokument u kom stoji ta famozna milijarda kako je vi zovete i tražite da se u roku 30 sata zastupnici pripreme izjasne o onome što ste vi tamo predvidjeli. Ali za mene zaista ima puno nejasnoća kako bi znali da li uopšte ima smisla glasati za tu hitnu proceduru.”

Ministar Jasmin Halebić je dao odgovor na pitanje zastupnika Konakovića kako slijedi:
„Jesmo naravno. Pa u ovom obrazloženju hitnosti postupka je pored implementacije mjera koje su ranije počele, predviđene su i nove mjere. Te mjere su za ona privredna društva koja nisu zabranjena nego im je pao prihod u određenom procentu. Drugo, mi smo kroz rebalans budžeta predvidjeli također jedan investicioni paket dodatni koji znači uvećavanje praktično zaduženja Kantona Sarajevo, evo ja ću to reći ovdje sada u odgovoru, a naravno i kasnije ćemo to pomenuti detaljno. Oko 30, nešto više od 30 miliona KM a imajući u vidu da procedure zaduživanja su procedure koje su vremenski zahtjevne jer su definisane zakonima sa jedne strane i sa druge strane, želeći da što prije omogućimo praktično dodatni izvor finansiranja koji u tekućem budžetu ne postoji. Želimo da to uradimo evo da kažemo u jednoj ubrzanoj proceduri. I naravno imajući u vidu, i to je zakonska činjenica da se Kanton Sarajevo, ne može zadužiti bez odobrenja Skupštine. Kroz ovaj rebalans budžeta, mi istovremeno tražimo saglasnost Skupštine za uvećanje zaduženja u odnosu na ono koje je u tekućem budžetu, u iznosu od 30 miliona. Tako da je i to praktično razlog za hitnost procedure. Što se tiče ovih podataka koji su spomenuti, oni se mijenjaju na dnevnom nivou. Evo ja ću, uz pomoć Ministarstva privrede koje provodi operativno ovaj program kazati da je 3387 firmi odobreno i da je kroz njih financirana plata ili dio plata za 13.796 radnika po ovoj kratkoročnoj mjeri koja se odnosi na mart, zavisno od toga kada je njihova djelatnost zabranjena ovim naredbama CZ na različitim nivoima a iznosi oko 2.300.000 KM do sada implementiran. Naredni razlog je MMF. Mi smo svi čuli i MMF se događa i MMF je došao u BIH u smislu finansijskih sredstava, mi bi smo trebali već napraviti prostor u budžetu da možemo praktično prihvatiti i rasporediti ta sredstva iz MMF-a da bi njihova implementacija mogla da bude da bi se skratila vremenska procedura potrebna za implementaciju tih sredstava. Evo to su neki razlozi, i naravno potrebno nam je još, jako bitan razlog. A to je da određene pozicije koje se nalaze u tekućem budžetu smanjimo. Zašto? Zbog toga što padaju prihodi. Mi ne možemo smanjivati po tekućem budžetu ne možemo smanjivati određene pozicije jer je Skupština dala odobrenje za njihovo izvršavanje a znamo da budžet pada jer nemamo zakonskog osnova ta sredstva jesu u budžetu ali ona sada postaju brojka. Ona brojka koja će očigledno biti manja. Kada u rebalansu budžeta određene stavke smanjimo onda ćemo praktično i sistem, možda nije pravilna riječ, natjerati, ali imat ćemo zakonski osnov da i sistem manje troši sredstava da ne bi smo otišli u nestabilnost cijelog budžeta jer povećano trošenje sa manjim prilivom naravno stvara debalans u budžetu i stvara probleme nelikvidnosti, stvara potencijalno kašnjenje u izvršavanju obaveza uključujući plate, uključujući ostala davanja koja idu iz budžeta za kategorije koje se finansiraju iz budžeta socijalne kategorije, boračke kategorije itd. To su nam skup razloga koji iznosimo evo ovako pred skupštinu tražeći da se ta procedura uradi po hitnom postupku i naravno oslušujući u

razgovorima sa poslodavcima oslušujući njihov glas da je praktično sistem kao što je Kanton Sarajevo da ima ipak troši određeno vrijeme dok se pokrenu te mjere pa evo pokušavajući da na nekom od tih koraka da smanjimo to trošenje vremena evo želimo da pokušamo zajedno sa skupštinom objasniti koje bi promjene došle kroz ovaj Zakon o ublažavanju negativnih ekonomskih posljedica i kroz rebalans. Evo to su zaista razlozi zbog kojih predlažemo da se donese ovi materijali koji su danas na Skupštini po hitnom postupku i o tome smo obavijestili. Ja nisam član, ali evo bio sam prisutan obavijestili smo i Kolegij Skupštine, i čini mi se da smo tu dobili početno razumijevanje da se ovo uradi u ovom postupku. Dakle u hitnom postupku. Zahvaljujem.”

S OBZIROM DA NIJE BILO RASPRAVE PREDSJEDAVALJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU DA SE PRIJEDLOG ODLUKE O IZMJENAMA I DOPUNAMA BUDŽETA KANTONA SARAJEVO ZA 2020. GODINU DONESE PO HITNOM POSTUPKU.

NAKON GLASANJA, KONSTATOVANO JE DA JE SKUPŠTINA (31 „ZA” I 1”SUZDRŽAN”) USVOJILA PRIJEDLOG DA SE ODLUKA O IZMJENAMA I DOPUNAMA BUDŽETA KANTONA SARAJEVO ZA 2020. GODINU DONESE PO HITNOM POSTUPKU.

-0-

Kao drugi materijal u okviru prethodnog postupka je bio **Prijedlog zakona o izmjeni Zakona o izvršavanju Budžeta Kantona Sarajevo za 2020. godinu**, po hitnom postupku.

S OBZIROM DA NIJE BILO PITANJA I RASPRAVE PREDSJEDAVALJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU DA SE PRIJEDLOG ZAKONA O IZMJENI ZAKONA O IZVRŠAVANJU BUDŽETA KANTONA SARAJEVO ZA 2020. GODINU DONESE PO HITNOM POSTUPKU.

NAKON GLASANJA, KONSTATOVANO JE DA JE SKUPŠTINA JEDNOGLASNO (32 „ZA”) USVOJILA PRIJEDLOG DA SE ZAKONA O IZMJENI ZAKONA O IZVRŠAVANJU BUDŽETA KANTONA SARAJEVO ZA 2020. GODINU DONESE PO HITNOM POSTUPKU.

-0-

I kao treći u okviru prethodnog postupka je **Prijedlog zakona o ublažavanju negativnih ekonomskih posljedica i uštedama u Kantonu Sarajevo**, po hitnom postupku.

Premijer Mario Nenadić je dao obrazloženje za donošenje **Prijedloga zakona o ublažavanju negativnih ekonomskih posljedica i uštedama u Kantonu Sarajevo**, po hitnom postupku kako slijedi: ”Poštovani predsjedavajući i dopredsjedavajući, poštovane zastupnice i zastupnici, dragi građani Kantona Sarajevo, obzirom da se prvi put obraćam, želim vas pozdraviti. Hitnost obrazložimo na isti način kao što je to ministar Halebić uradio za Prijedlog rebalansa budžeta. Radi se naime o određenom paketu pitanja, odnosno odredbi koje ovaj Zakon predviđa. Odnose se i na mjere štednje, uštede i aktivnosti za koje je važno da idu u najmanju ruku u isto vrijeme kada ide i rebalans budžeta. Mislimo da su razlozi za hitni postupak obrazloženi i na Kolegiju Skupštine, prije par dana. I vjerujemo da ukoliko ovaj Zakon danas budemo razmatrali u hitnom postupku da će on svakako doprinijeti ubrzanom rješavanju (mikrofonija). Tako da vjerujemo da će ovaj Zakon, ukoliko ga budemo danas

razmatrali u hitnoj proceduri svakako doprinijeti ubrzanom rješavanju određenih pitanja, a o sadržaju ćemo naravno ako Zakon bude razmatran danas. Hvala vam.”

S OBZIROM DA NIJE BILO PITANJA I RASPRAVE PREDSEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU DA SE Prijedlog zakona o ublažavanju negativnih ekonomskih posljedica i uštedama u Kantonu Sarajevo donese po hitnom postupku.

NAKON GLASANJA, KONSTATOVANO JE DA JE SKUPŠTINA (31 „ZA” I 1”SUZDRŽAN”) USVOJILA PRIJEDLOG DA SE ZAKON O UBLAŽAVANJU NEGATIVNIH EKONOMSKIH POSLJEDICA I UŠTEDAMA U KANTONU SARAJEVO DONESE PO HITNOM POSTUPKU.

NAKON NAPRIJED RAZMATRANOG, PRIJEDLOG DNEVNOG REDA DANAŠNJE, 9. HITNE SJEDNICE, GLASI:

1. Prijedlog Odluke o izmjenama i dopunama Budžeta Kantona Sarajevo za 2020. godinu – hitni postupak;
2. Prijedlog zakona o izmjeni Zakona o izvršavanju Budžeta Kantona Sarajevo za 2020. godinu - hitni postupak;
3. Prijedlog Zakona o ublažavanju negativnih ekonomskih posljedica i uštedama u Kantonu Sarajevo -hitni postupak.

Zastupnica Bilsena Šahman je reagovala prije usvajanja dnevnog reda, a vezano za dopunu dnevnog reda sa tačkom „Rasprava nabavka maski”.

Nakon zastupnice Bilsene Šahman za riječ su se javili i zastupnik Igor Stojanović, zastupnik Zvonko Marić, zastupnik Elmedin Konaković, zastupnik Elvis Vreto, zastupnik Damir Nikšić, dopredsjedavajući Vibor Handžić, zastupnik Mahir Dević, dopredsjedavajuća Smiljana Viteškić, i zastupnik Sead Milavica. Zastupnici i zastupnice su imali diskusije u vidu dopune dnevnog reda.

Predsjedavajući je podsjetio zastupnike i zastupnice da je sjednica hitnog karaktera i da se na samoj sjednici može predlagati dnevni red, a u skladu sa Članom 71 stav 4). Nadalje, predsjedavajući je dao prijedlog da se svi prijedlozi uvrste u jednu tačku i da se razmatraju ili na hitnoj ili na redovnoj sjednici. Premijer Mario Nenadić je informisao da Vlada može pripremiti informacije koje su potrebne pa da se onda nastavi sjednica.

NA ZAHTJEV ZASTUPNIKA ELMEDINA KONAKOVIĆA I KLUBA NIP DATA JE PAUZA DO 11,45.

NASTAVAK NAKON PAUZE

Predsjedavajući je informisao da su obavljene konsultacije te je predložio sljedeći

DNEVNI RED:

1. Prijedlog Odluke o izmjenama i dopunama Budžeta Kantona Sarajevo za 2020. godinu – hitni postupak;

2. Prijedlog zakona o izmjeni Zakona o izvršavanju Budžeta Kantona Sarajevo za 2020. godinu - hitni postupak;
3. Prijedlog Zakona o ublažavanju negativnih ekonomskih posljedica i uštedama u Kantonu Sarajevo -hitni postupak.
4. Informacija o nabavci zaštitnih maski od firme „Panta rei” d.o.o. Sarajevo.

PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU PUTEV VIBER GRUPE O PREDLOŽENOM DNEVNOM REDU.

NAKON GLASANJA, KONSTATOVANO JE DA JE SKUPŠTINA JEDNOGLASNO (34 „ZA”) ZA 9. HITNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

NADALJE, PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O ZAHTJEVU PREMIJERA DA SE TAČKA 3. RAZMATRA KAO TAČKA 1.

NAKON GLASANJA, KONSTATOVANO JE DA JE SKUPŠTINA JEDNOGLASNO (31 „ZA”) USVOJILA PRIJEDLOG PREMIJERA NENADIĆA DA SE DNEVNI RED, ODNOSNO TAČKA 3. RAZMATRA KAO TAČKA 1.

AD - 3.

PRIJEDLOG ZAKONA O UBLAŽAVANJU NEGATIVNIH EKONOMSKIH POSLJEDICA I UŠTEDAMA U KANTONU SARAJEVO - HITNI POSTUPAK

Materijal su zastupnici i zastupnice dobili/le uz poziv za sjednicu.

Uvodne napomene podnijeli su Premijer Mario Nenadić, ministar finansija Jasmin Halebić i ministar Draško Jeličić.

Nakon uvodnih napomena otvoren je prostor za pitanja i diskusiju. Pitanja i diskusiju imali su sljedeće zastupnice i zastupnici: Elmedin Konaković, Danijela Kristić, Elvedin Okerić, Segmedina Srna Bajramović, Senad Hasanović, Neira Dizdarević, Elvis Vreto, Vedran Jakupović, Bibija Kerla, Jasna Duraković, Vibor Handžić, Igor Stojanović, Amel Mekić, Sead Milavica, Vildana Bešlija, Damir Nikšić, Samir Suljević, Damir Marjanović, Mahir Dević, Zvonko Marić, Jasmina Bišćević-Tokić i Aljoša Čampara.

Ministar Jasmin Halebić, ministar Draško Jeličić i premijer Mario Nenadić su dali odgovore na pitanja zastupnica i zastupnika vezano za Prijedlog zakona o ublažavanju negativnih ekonomskih posljedica i uštedama u Kantonu Sarajevo i ti odgovori su sadržani u stenogramu.

Nakon diskusija velikog broja zastupnika i obrazloženja datih od strane premijera Maria Nenadića, ministra finansija Jasmina Halebića i ministra privrede Draška Jeličića predsjedavajući je predložio pauzu od pola sata kako bi Vlada razmotrila amandmane koje podnijela zastupnica Danijela Kristić.

NASTAVAK NAKON PAUZE u 17,40

AD - 2.

PRIJEDLOG ODLUKE O IZMJENAMA I DOPUNAMA BUDŽETA KANTONA SARAJEVO ZA 2020. GODINU – HITNI POSTUPAK

Uvodne napomene po Prijedlogu Odluke o izmjenama i dopunama Budžeta Kantona Sarajevo za 2020. godinu podnio je ministar Jasmin Halebić.

Po ovom Prijedlogu odluke pitanja su imali zastupnik Mahir Dević, zastupnik Elmedin Konaković, zastupnik Igor Stojanović, zastupnik Samir Suljević i zastupnik Elvis Vreto.

Nakon pitanja zastupnika Elvisa Vrete, Klub Naše stranke je tražio pauzu u trajanju od 20 minuta.

NASTAVAK NAKON PAUZE

U nastavku, pitanja su postavili zastupnica Segmedina Srna Bajramović, zastupnica Vildana Bešlija, dopredsjedavajuća Kristić Danijela, zastupnik Elvedin Okerić, zastupnik Damir Marjanović, zastupnica Dizdarević Neira, zastupnik Vedran Jakupović, zastupnik Damir Nikšić i zastupnica Jasna Duraković.

Nakon brojnih pitanja zastupnica i zastupnika ministar finansija Jasmin Halebić je informisao da je potrebno određeno vrijeme kako bi se pripremili odgovori pa je u skladu s tim i izglasana pauza u trajanju od sat vremena sa zakazanim nastavkom zasijedanja u 21,00.

NASTAVAK NAKON PAUZE

Nakon pauze predsjedavajući Mirza Čelik je pozvao premijera i članove Vlade da se obrate zastupnicama i zastupnicima. Odgovore na pitanja dali su premijer Mario Nenadić, ministar Jasmin Halebić, ministar Faruk Kapidžić, ministar Rusmir Mesihović, ministar Anis Krivić, ministar Draško Jeličić.

Nakon obraćanja članova Vlade Kantona Sarajevo otvorena je rasprava po Prijedlogu Odluke o izmjenama i dopunama Budžeta Kantona Sarajevo za 2020. godinu i u njoj su učestvovali sljedeći zastupnici i zastupnice: Damir Marjanović, Elmedin Konaković, Mahir Dević, Igor Stojanović, Jasna Duraković, Vibor Handžić, Bibija Kerla, Damir Nikšić, Aljoša Čampara, Segmedina Srna Bajramović, Samir Suljević, Vedran Jakupović, Jasmina Bišćević-Tokić, Zvonko Marić, Elvedin Okerić i Elvis Vreto.

Nakon iscrpljene liste prijavljenih za diskusiju, Predsjedavajući je zaključio raspravu te dao pauzu od 10 minuta kako bi Vlada mogla da se izjasni o amandmanu zastupnika Marjanović Damira.

NASTAVAK NAKON PAUZE

Nakon pauze ministar Jasmin Halebić je dao informacije o stavu Vlade po amandmanu Damira Marjanovića: „Završili smo sjednicu Vlade i raspravljali smo na sjednici Vlade o amandmanu koji je podnio uvaženi zastupnik prof.dr. Damir Marjanović. Imamo neku mikrofoniju pa moramo smanjiti ovo. Kojim je predloženo amandmanom da se na organizacionom ekonomskom kodu 614300 funkcija 097 tekući tranfser neprofitnim organizacijama – povlaka nauka koja iznose, ta sredstva, 2.096.630 KM povećaju na iznos 5.401.162 KM a da se uvećanja od 3.304.532 KM nadomjesti sa ekonomskog koda 821600 rekonstrukcija i investiciono održavanje. Dato je i adekvatno pojašnjenje ovog amandmana. Vlada je zauzela stav da ne može prihvatiti ovakav amandman iz razloga što se na navedenoj poziciji 821600 rekonstrukcija i investiciono održavanje od iznosa od 8.020.000 nalazi 200.000 transfera i 200.000 budžetskih sredstava. Dakle nedovoljno da bi se finansirao program nauke, ostalo su kreditna sredstva. Kreditna sredstva se mogu, kao što sam već nekoliko puta rekao koristiti za kapitalne investicije i za finansiranje akumuliranog deficita. Dakle amandman tehnički nije kako da kažem ispravan. Zbog toga smo na sjednici Vlade odlučili da ovakav amandman ne možemo prihvatiti.”

Zastupnik Damir Marjanović nije želio da se po ovom amandmanu Skupština izjašnjava s obzirom da je ministar objasnio da je tehnički amandman neizvodiv.

S obzirom da je zaključena diskusija nije bilo izjašnjavanja po amandmanima, predsjedavajući je JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O IZMJENAMA I DOPUNAMA BUDŽETA KANTONA SARAJEVO ZA 2020. GODINU.

NAKON GLASANJA, KONSTATOVANO JE DA JE SKUPŠTINA VEĆINOM GLASOVA (18 „ZA”, 5 „PROTIV” I 1 „SUZDRŽAN”) DONIJELA ODLUKU O IZMJENAMA I DOPUNAMA BUDŽETA KANTONA SARAJEVO ZA 2020. GODINU.

Igor Stojanović je izrazio sumnju u glasanje pa je uslijedilo pojedinačno izjašnjavanje.

Sekretar Skupštine Aida Zeković:

**ALJOVIĆ HAMED ZA
BEŠLIJA VILDANA PROTIV
BIŠĆEVIĆ-TOKIĆ JASMINA ZA
ČAMPARA ALJOŠA ZA
ČELIK MIRZA ZA
ĆOSOVIĆ-HAJDAREVIĆ SAMRA ZA
DELALIĆ SABAHUDIN ZA
DEVIĆ MAHIR ZA
DIZDAREVIĆ NEIRA PROTIV
DURAKOVIĆ JASNA PROTIV
HANDŽIĆ VIBOR PROTIV
HASAGIĆ AMRA ZA
HASANOVIĆ SENAD ZA
HODŽIĆ ADMELA ZA
JAKUPOVIĆ VEDRAN PROTIV
JUNUZOVIĆ-KALJIĆ AMRA OPRAVDANO ODSUTNA
KERLA BIBIJA ZA
KONAKOVIĆ ELMEDIN PROTIV**

KRSTIĆ DANIJELA PROTIV
MARIĆ ZVONKO ZA
MARJANOVIĆ DAMIR PROTIV
MEKIĆ AMEL PROTIV
MEMIĆ ARIJANA PROTIV
MILAVICA SEAD ZA
NIKŠIĆ DAMIR PROTIV
OKERIĆ ELVEDIN PROTIV
PECIKOZA FAHRUDIN ZA
PLEHO HARIS ZA
POTURAK DŽEVAD ZA
SRNA- BAJRAMOVIĆ SEGMEDINA PROTIV
STOJANOVIĆ IGOR PROTIV
SULJEVIĆ SAMIR PROTIV
ŠAHMAN BILSENA ZA
VITEŠKIĆ SMILJANA ZA
VRETO ELVIS SUZDRŽAN

NAKON POJEDINAČNOG IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (18 „ZA”, 15 „PROTIV” I 1 „SUZDRŽAN”) DONIJELA ODLUKU O IZMJENAMA I DOPUNAMA BUDŽETA KANTONA SARAJEVO ZA 2020. GODINU.

AD – 3.

PRIJEDLOG ZAKONA O IZMJENI ZAKONA O IZVRŠAVANJU BUDŽETA KANTONA SARAJEVO ZA 2020. GODINU - HITNI POSTUPAK

Materijal su zastupnici i zastupnice dobili/le uz poziv za sjednicu.

S OBZIROM DA NIJE BILO PRIJAVLJENIH ZA PITANJA I DISKUSIJU, PREDSDJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU PUTEM VIBER GRUPE O PRIJEDLOGU ZAKONA O IZMJENI ZAKONA O IZVRŠAVANJU BUDŽETA KANTONA SARAJEVO ZA 2020. GODINU.

NAKON POJEDINAČNOG IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (18 „ZA”, 15 „PROTIV” I 1 „SUZDRŽAN”)DONIJELA ZAKON O IZMJENI ZAKONA O IZVRŠAVANJU BUDŽETA KANTONA SARAJEVO ZA 2020. GODINU.

AD – 4.

INFORMACIJA O NABAVCI ZAŠTITNIH MASKI OD FIRME „PANTA REI” D.O.O. SARAJEVO

Uvodne napomene podnio je zastupnik Igor Stojanović kao predlagač. a nakon njegovog izlaganja, zastupnicima i zastupnicama su se obratili Jasmin Terović, v.d. direktora KUCZ i Kemal Cacan bivši v.d. direktora KUCZ.

Pitanja za Kemala Cacana bivšeg v.d. direktora KUCZ imali su zastupnik Igor Stojanović, zastupnik Vedran Jakupović i zastupnica Jasmina Bišćević-Tokić.

Nakon odgovora i konstatacije da nema više prijavljenih za pitanja otvorena je rasprava u kojoj su učestvovali: zastupnica Bilsena Šahman, zastupnik Igor Stojanović, zastupnik Elmedin Konaković, zastupnik Zvonko Marić, zastupnica Bibija Kerla, zastupnik Vedran Jakupović, zastupnik Elvis Vreto, zastupnik Mahir Dević, zastupnik Damir Nikšić, zastupnica Bibija Kerla, zastupnik Dževad Poturak, dopredsjedavajuća Danijela Kristić, dopredsjedavajući Vibor Handžić.

NAKON ISCRPLJENE LISTE PRIJAVLJENIH ZA DISKUSIJU PO INFORMACIJI O NABAVCI ZAŠTITNIH MASKI OD FIRME „PANTA REI” D.O.O. SARAJEVO, PREDSEDVAJUĆI JE KONSTATOVAO DA JE INFORMACIJA PRIMLJENA K ZNANJU.

Predsjedavajući Mirza Čelik je konstatovao da je iscrpljen dnevni red 9. Hitne sjednice pa je zaključio rad i podsjetio da je 25. radna sjednica zakazana za 18.05.2020.

Zapisnik izradila:
Jasminka Deliahmetović

SEKRETAR
SKUPŠTINE KANTONA SARAJEVO
Aida Zeković, dipl. pravnik

PREDSEDVAJUĆI
SKUPŠTINE KANTONA SARAJEVO
Dr. Mirza Čelik

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.